

名醫方論

名醫方論卷四

新安羅東逸先生評定

慈水柯韻伯先生參閱

濟生腎氣丸

治腎虛脾弱腰重脚腫小便不利腹脹喘急痰盛已成鼓症其効如神

熟地黃四兩

白茯苓三兩

牡丹皮

乾山藥

澤瀉

車前子

山茱萸

牛膝

肉桂各二兩

附子

五錢

右十味蜜和丸每服八十九空心米飲下

張景嶽曰水腫乃脾肺腎三藏之病蓋水爲至陰故其本在腎水化於氣故其標在肺水惟畏土故其制在脾肺虛則氣不化精而化水脾虛則土不制水而水泛腎虛則水無所主而妄行以致肌肉浮腫氣息喘急病標上及脾肺病本皆歸于腎蓋腎爲胃之關關不利故聚水而不能出也膀胱之津由氣化而出氣者陽也陽旺則氣化而水卽爲精陽衰則氣不化而精卽爲水水不能化因氣之虛豈非陰中無陽乎故治腫者必先治水治水者必先治氣若氣不能化水道所以不通先天元氣虧于下則後天腎氣失

其本由脾及肺治節不行此下爲肘腫腹大上爲喘呼不得卧而標本俱病也惟下焦之真氣得行始能傳化真水得位始能分清必峻補命門使氣復其元則五臟皆安矣故用地黃山藥丹皮以養陰中之真水山茱萸附以化陰中之陽茯苓澤瀉車前牛膝以利陰中之滯能使氣化於精卽所以治肺也補火生土卽所以治脾也壯水利竅卽所以治腎也補而不滯利而不伐治水諸方更無有出其右者然當因此擴充隨症加減若其人因大病之後脾氣大虛而病水脹者服此雖無所碍終不見效余熟計

之元氣大傷而藥兼滲利未免減去補力元氣不復病必
不除遂悉去利水之劑專用參朮桂附三大劑而足脛漸
消十餘劑而腹脹退此後凡治中年之後脾腎皆虛者悉
用此法蓋氣虛者不可復行氣腎虛者不可復利水溫補
卽所以化氣塞因塞用之妙顧在用之者何如耳古法治
腫不用補劑而用去水等藥微則分利甚則推逐如五苓
散五淋散五皮散導水茯苓湯之類皆所以利水也如舟
車神祐丸瀘川散禹功散十棗湯之類皆所以逐水也但
察其果係寔邪則此等治法仍不可廢然溫補卽所以化

氣○氣○化○而○愈○者○出○白○天○然○消○伐○所○以○逐○邪○而○頓○愈○者○
由○於○勉○強○今○工○所○用○悉○皆○此○類○早○服○晚○通○去○水○斗○許○臃○脹○
頓○消○索○謝○而○去○不○顧○人○之○虛○實○不○慮○人○之○生○死○不○數○日○而○
復○脹○百○無○一○生○可○勝○道○哉○

八味地黄丸

論四條

治命門火衰不能生土以致脾胃虛寒飲食少思大便不實或下元衰憊臍腹疼痛夜多漩溺等症

熟地黄

八兩用真生懷慶熟浸一宿柳木甑砂鍋上蒸半日晒乾如式九次為度臨用搗膏

乾山藥

四兩

山茱萸

四兩

牡丹皮

白茯苓

澤瀉

各三兩

肉桂

附子

各二兩

右八味為末煉蜜丸如桐子大酒下十五丸日再服
趙養葵曰君子觀象於坎而知腎中具水火之用今人入房而陽氣易舉者陰虛火動也陽事先痿者命門火衰也真水竭則隆冬不寒真火熄則盛夏不熱是方也熟地山

藥澤瀉丹皮茯苓山萸皆濡潤之品所以能壯水之主肉桂附子辛潤之物能於水中補火所以能益火之原水火得其養則腎氣復矣

喻嘉言曰金匱用八味丸治脚氣上入少腹不仁者脚氣卽陰氣少腹不仁卽攻心之漸故用之以驅逐陰邪也其虛勞腰痛少腹拘急小便不利則因過勞其腎陰氣逆於少腹阻遏膀胱之氣化小便不能通利故用之以收腎氣也其短氣有微飲者飲亦陰類阻其胸中之陽自致短氣故用之引飲下出以安胸中也消渴病飲水一斗小便亦

一斗此腎氣不能攝水小便恣出源泉有立竭之勢故急用以逆折其水也夫腎水下趨之消腎氣不上升之渴非用此以蟄護封藏蒸動水氣含此易從治哉後人謂八味丸爲治消渴之聖藥得其旨矣

柯韻伯曰命門之火乃水中之陽夫水體本靜而川流不息者氣之動火之用也非指有形者言也然火少則生氣火壯則食氣故火不可亢亦不可衰所云火生土者卽腎家之少火遊行其間以息相吹耳若命門火衰少火幾於熄矣欲煖脾胃之陽必先溫命門之火此腎氣九納桂附

於滋陰劑中。是藏心於淵。美厥靈根也。命門有火。則腎有生氣矣。故不曰溫腎。而名腎氣。斯知腎以氣為主。腎得氣而土自生也。且形不足者。溫之以氣。則脾胃因虛寒而致病者。固痊。卽虛火不歸其部。而失血亡陽者。亦納氣而歸封蟄之本矣。崔氏加減八味丸。以五味之酸。收易附子之辛熱。腎虛而不甚寒者。宜之也。千金方於八味外。更加玄參之鹹寒。以助熟地而滋腎。加芍藥之酸寒。以助丹皮以滋肝。總之爲桂附加瑣耳。以之壯水。則有餘以之益陽。恐不足也。濟生方加牛膝車前。以治水腫。倍茯苓以輔地黃。

山藥、茱萸、與澤、丹、車、牛、等、列、隨、證、加、減、允、爲、得、法、益、陰、腎、
氣、九、於、六、味、外、加、當、歸、五、味、柴、胡、以、治、目、暗、不、見、化、裁、之、
妙、矣、

六味地黃丸

主治腎精不足、虛火炎上、腰膝痠軟、骨熱痠疼、足跟痛、小便淋秘、或不禁、遺精夢洩、水泛為痰、自汗盜汗、亡血消渴、頭目眩暈、耳聾齒搖、尺脈虛大者。

熟地黃

八兩

山茱萸

四兩

白茯苓

乾山藥

各四兩

牡丹皮

三兩

澤瀉

三兩

右為末煉蜜丸如桐子大空心淡鹽湯下

柯韻伯曰、腎虛不能藏精、坎宮之火無所附而妄行、下無以奉春生之令、上絕肺金之化源、地黃稟甘寒之性、製熟

味更厚是精不足者補之以味也。用以大滋腎陰。填精補髓。壯水之主。以澤瀉為使。世或惡其瀉腎而去之。不知一陰一陽者。天地之道。一開一闔者。動靜之機。精者屬癸。陰水也。靜而不走。為腎之體。弱者屬壬。陽水也。動而不居。為腎之用。是以腎主五液。若陰水不守。則真水不足。陽水不流。則邪水逆行。故君地黃以護封蟄之本。即佐澤瀉以疏水道之滯也。然腎虛不補其母。不導其上源。亦無以固封蟄之用。山藥涼補。以培癸水之上源。茯苓淡滲。以導壬水之上源。加以茱萸之酸。溫藉以收少陽之火。以滋厥陰之

液○丹○皮○辛○寒○以○清○少○陰○之○火○還○以○奉○少○陽○之○氣○也○滋○化○源○
奉○生○氣○天○癸○居○其○所○矣○壯○水○制○火○特○其○一○端○耳○

天王補心丹

主治心血不足神志不寧津液枯竭健忘怔忡大便不利口舌生瘡等症

人參

酸棗仁

當歸

生地黃

栢子仁

麥冬

天冬

遠志

五味子

白茯苓

丹參

玄參

桔梗

右爲末煉蜜丸如椒目大白湯下

柯韻伯曰心者主火而所以主者神也神衰則火爲患故補心者必清其火而神始安補心丹用生地黃爲君者取

其下足少陰以滋水。主水盛可以伏火。此非補心之陽。補心之神耳。凡果核之有仁。猶心之有神也。清氣無如栢子仁。補血無如酸棗仁。其神存耳。參苓之甘以補心氣。五味之酸以收心氣。二冬之寒以清氣分之火。心氣和而神自歸矣。當歸之甘以生心血。玄參之鹹以補心血。丹參之寒以清血中之火。心血足而神自藏矣。更假桔梗爲舟楫。遠志爲向导。和諸藥入心而安神。明以此養生則壽。何有健忘怔忡。津液乾涸。舌上生瘡。大便不利之虞哉。

朱砂安神丸 東垣方

治心神昏亂、驚悸怔忡、寤寐不安。

硃砂 另研

黃連 各半兩

生地黄 三錢

當歸

甘草 各二錢

右爲細末，酒泡蒸餅丸如麻子大，朱砂爲衣，每服三十丸，臥時津液下。

葉仲堅曰：經曰：神氣舍心，精神畢具。又曰：心者生之本，神之舍也。且心爲君主之官，主不明則精氣亂，神太勞則魂魄散，所以寤寐不安，淫邪發夢，輕則驚悸怔忡，重則癡妄。

顛狂耳朱砂具光明之體赤色通心重能鎮怯寒能勝熱
甘以生津抑陰火之浮遊以養上焦之元氣爲安神之第
一品心苦熱配黃連之苦寒瀉心熱也更佐甘草之甘以
瀉之心主血用當歸之甘溫歸心血也更佐地黃之寒以
補之心血足則肝得所藏而魂自安心熱解則肺得其職
而形自正也

枳木丸

東垣

治胃虛溼熱飲食壅滯心下痞悶

白木

二兩

枳實

二兩

右爲細末荷葉煨陳米飯爲丸如椒目大白湯下

東垣曰白木苦甘溫其苦味除胃中之溼熱其甘溫補脾家之元氣多於枳實一倍枳實味苦溫泄心下痞悶消胃中所傷此藥下胃所傷不能卽去須一二時許食乃消化先補虛而後化所傷則不峻利矣荷葉狀如仰盂於卦爲震正少陽肝膽之氣飲食入胃營氣上行卽此氣也取之以生胃氣更以粥飯和藥與木協力滋養穀氣而補脾胃

其利大矣。若用食藥下之。傳變諸症。不可勝數。按東垣此方。源出金匱。然一急一緩一行一補。其用有不同者。

附錄金匱枳木湯

治心下鞭大如盤。邊如旋杯。水飲所作。

枳實七枚 白朮二兩

右二味以水五升。煮取二升。分溫三服。腹中脹。卽散。趙以德曰。心下。胃上脘也。胃氣弱。則所飲之水不消。痞結而堅。必強其胃。消其痞。白朮健脾。強胃。枳實善消心下痞。逐停水。散滯血。

磁硃丸 千金方

治神水寬大漸散昏如霧露中行漸覩空中有黑花覩物成二體及內障神水淡綠色澹白色又治耳鳴及聾

磁石

二兩

辰砂

二兩

神麴

生三兩更以二兩水和作餅煮并搜入煎磁硃爲丸

每服十九加至三十九空心米湯下

王又原曰經曰五藏六府之精皆上注於目則目之能視者氣也目之所以能視者精也腎能藏精故神水發於腎心爲離照故神光發於心光發陽而外狀有陰精以爲守則不散而常明水發陰而凝結有陽氣以爲布則洞悉而

不窮。惟心腎有虧，致神水乾涸，神光短少，昏眊內障，諸證所由作也。磁石直入腎經，收散失之神，性能引鐵，吸肺金之氣，歸藏腎水。朱砂體陽而性陰，能納浮游之火而安神。明水能鑒火，能燭水，火相濟而光華不四射，與然目受藏府之精，精神於穀，神麴能消化五穀，則精易成矣。蓋神水散大，緩則不收，賴鎮墜之品，疾收而吸引之，故爲急救之劑也。其治耳鳴耳聾等症，亦以鎮墜之功能制虛陽之上奔耳。

柯韻伯曰：此丸治癲癇之聖劑，蓋狂癡是心腎脾三藏之

病心藏神、脾藏意、與智、腎藏精、與志、心者神明之主也、主不明、則十二官危、使道閉塞而不通、乃大傷、卽此謂也、然主何以不明也、心法離而屬火、真水藏其中、若天一之真水不足、地二之虛火妄行、所謂天氣者、藏塞地氣者、冒明、日月不明、邪害空竅、故目多妄見、而作此奇疾也、非金石之重劑、以鎮之、狂必不止、朱砂稟南方之赤色、入通於心、能降無根之火、而安神、明磁石稟北方之黑色、入通於腎、吸肺金之氣、以生精、墜炎上之火、以定志、二石體重而主降、性寒而滋陰、志同道合、奏功可立、俟矣、神麴推陳致

新上、交、心、神、下、達、腎、志、以、生、意、智、且、食、入、於、陰、長、氣、於、陽、
奪、其、食、則、已、此、內、經、治、狂、法、也、食、消、則、意、智、明、而、精、神、治、
是、用、神、勉、之、旨、乎、煉、蜜、和、丸、又、甘、以、緩、之、矣、

四神丸

治脾腎雙虛。子後作瀉。不思食。不化食。

肉果二兩

破故紙四兩

五味子三兩

吳茱萸五錢
湯泡

右為末。紅棗四十九枚。生薑四兩。切水煮。棗熟。去
取棗肉。搗和藥丸。桐子大。空心鹽湯下。

二神丸 去茱萸五味

五味子散 去肉豆蔻破故紙

程郊倩曰。命門無火。不能為中宮腐熟。水穀藏寒在腎。誰
復司其閉藏。故木氣纔萌。不疏泄而亦疏泄。雖是木邪。不

論更
夢不可
也

土實腎之脾胃虛也此際補脾不如補腎補骨脂有溫中
煖下之能五味子有酸收固澁之性吳茱萸散邪補土肉
豆蔻澁滯益脾煖腎而使氣蒸破滯而使氣壯補腎仍是
補脾矣

李士材曰腎水受時於子弱土不能禁制故子後每瀉也
柯韻伯曰瀉利爲腹疾而腹爲三陰之都會一藏不調便
能瀉利故三陰下利仲景各爲立方以主之太陰有裡中
四逆厥陰有身梅白頭翁少陰有桃花真武猪膚四
逆湯散白通通脉等劑可謂曲盡病情諸法備美然祇爲

一藏立法。若三藏相關久。而不痊。如子後作瀉。一症猶未
之及也。夫雞鳴至平旦。天之陰。陰中之陽也。因陽氣當至
而不至。虛邪得以留而不去。故作瀉於黎明。其山有四。一
爲脾。虛不能制水。一爲腎。虛不能行水。故二神丸君補骨
脂之辛燥者。入腎以制水。佐肉苁蓉之辛溫者。入脾以煖
土。丸以棗肉。又辛甘發散爲陽也。一爲命門火衰不能生
土。一爲少陽氣虛無以發陳。故五味子散君五味子之酸
溫。以收坎宮耗散之火。少火生氣。以培土也。佐吳茱萸之
辛溫。以順肝木欲散之勢。爲水氣開滋生之路。以奉春生。

也。此四者。病因雖異。而見症則同。皆水亢爲害。二神丸是
承制之劑。五味散是化生之劑也。二方理不同。而用則同。
故可互用。以助效。亦可合用。以建功。合爲四神丸。是制生
之劑也。制生則化。久泄自瘳矣。傳曰。四神丸。是制生
丸。較速與。

滋腎丸

治肺痿聲嘶喉痺咳血煩躁

黃栢

二兩酒炒

知母

二兩酒炒

肉桂一錢

右爲細末熟水丸桐子大每服五十丸空心下

羅東逸曰此丸爲腎家水竭火炎而設夫水竭則腎涸腎涸則下泉不鍾而陽盛於上斯喉痺痰結煩躁之證作火炎則金傷金傷則澤燥高源無以蒸煦布漚斯聲嘶咳血焦痿之證生此時以六味補水水不能遽生也以生脉保金金不免猶燥也惟急用黃栢之苦以堅腎則能殺龍家

之沸火是謂濇其源而安其流。繼用知母之清以涼肺。則能全破傷之燥。金是謂沛之雨而騰之露。然恐水火之不相入而相射也。故益以肉桂之反佐爲用。兼以導龍歸海。於是坎盈。宵而流漸長矣。此滋腎之旨也。

柯韻伯曰。水爲腎之體。

特○議○無○人○拈○出○火爲腎之用。人知腎中有水。始能

制火。不知腎中有火。始能致水耳。

蓋○天○乙○生○水○一○者○陽○氣○

也。卽火也。氣爲水母。陽爲陰根。必火有所歸。斯水有所主。

故反佐以桂之甘溫。引知柏入腎而奏其效。此相須之度。

亦承制之理也。

亦承制之理也。

虎潛丸

治腎陰不足筋骨痿軟不能步履

龜板

黃柏

各四兩

知母

熟地

各二兩

牛膝

三兩

芍藥

五錢

瑣陽

虎骨

當歸

各一兩

陳皮

七錢五分

右爲末煮羯羊肉搗爲丸桐子大澹鹽湯下

王又原曰腎爲作強之官有精血以爲之強也若腎虛精枯而血必隨之精血交敗。溼熱風毒遂乘而襲焉此不能步履腰痠筋縮之症作矣。且腎兼水火火勝鏖陰溼熱相搏筋骨不用宜也方用黃柏清陰中之火燥骨間之溼且

苦能堅腎爲治痿要藥故以爲君虎骨去風毒健筋骨爲
臣然高原之水不下毋虛而子亦虛肝臟之血不歸子病
而毋愈病知毋清肺原歸於養肝血使歸於腎龜稟天地
之陰獨厚茹而不吐使之坐鎮北方更以熟地牛膝鎖陽
羊肉羣隊補水之品使精血交補若陳皮者疏血行氣茲
又有氣化血行之妙其爲筋骨壯盛有力如虎也必矣道
經云虎向水中生以斯爲潛之義焉夫是以命之曰虎潛
丸

虎潛丸

方見上篇

虎潛之
義發明
妙極

葉仲堅曰、痿原雖分五臟、然其本在腎、其標在肺、內經云、五臟因肺熱、葉焦、發為痿躄、又曰、陽氣內伐、水不勝火、則骨痿髓虛、故足不任身、骨痿者、生於大熱也、若視為虛寒、而投以桂附、多致不救、是方以虎名者、虎於獸中、稟金氣之至剛、風生一嘯、特為肺金取象焉、其潛之云者、金從水養、母隱子胎、故生金者必麗水、意在納氣歸腎也、龜應北方之象、稟陰最厚、首常向腹、善通任脉、能大補真陰、深得夫潛之義者、黃柏味厚為陰中之陰、專補腎膀之陰不足、

能使足膝中氣力漏出。故痿家必用二者爲君。一以固本。一以治標。恐奇之不去。則偶之也。熟地填少陰之精。用以佐龜板。知母清太陰之氣。用以佐黃柏。牛膝入肝舒筋。歸芍佐之。肝血有歸。陳皮疏之。氣血以流。骨正筋柔矣。又慮熱則生風。逗留骨節。用虎骨所以驅之。純陰無陽。不能發生。佐瑣陽所以溫之。羊肉爲丸。補之以味。淡鹽湯下。惡于入腎。斯皆潛之爲義。

越鞠丸

治藏府一切痰食氣血諸鬱爲痛爲嘔爲脹爲利者

香附

蒼朮

撫芎

山梔仁

神麴

水發丸每服百丸

李楚重曰內經論木鬱達之五句前聖治鬱之法最詳所謂鬱者清氣不升濁氣不降也然清濁升降皆出肺氣使太陰失治節之令不惟生氣不升收氣亦不降上下不交而鬱成矣故經云太陰不收肺氣焦滿又云諸氣臍鬱皆屬於肺然肺氣之布必由胃氣之輸胃氣之運必本三焦

之化。甚至爲痛。爲嘔。爲脹。爲利。莫非胃氣不宜。三焦失職。所致。方中君以香附快氣。調肺之佛鬱。臣以蒼朮開發。強胃而資生。神麴佐化水穀。梔子清鬱導火。於以達肺。騰胃而清三焦。尤妙撫芎之辛。直入肝膽。以助妙用。則少陽之生氣上朝。而營衛和。太陰之收氣下肅。而精氣化。此丹溪因五鬱之法。而變通者也。然五鬱之中。金木尤甚。前人用逍遙散。調肝之鬱。兼清火。滋陰。瀉白散。清肺之鬱。兼潤燥。降逆。要以木鬱上衝。卽爲火。金鬱斂滯。卽爲燥也。如陰虛不知滋。木氣虛不知化。液是又不善用越鞠矣。

封髓丹

治夢遺失精及與鬼交

黃柏

砂仁

甘草

右蜜糊爲丸每服三錢

趙羽皇曰、經云腎者主水、受五藏六府之精而藏之、又曰、腎者主蛰、封藏之本、精之處也、蓋腎爲性藏、多虛少實、因肝木爲子、偏喜疏泄、分氣厥陰之火一動、精卽隨之外溢、况肝又藏魂、神魂不攝、宜其夜卧鬼交、精泄之症作矣、封髓丹爲固精之要藥、方用黃柏爲君、以其味性苦寒、又能

堅腎腎職得堅則陰水不虞其泛溢寒能清肅則龍火不
至於奮揚水火交攝精有不安其位者乎佐以甘草以甘
能緩急瀉諸火與肝火之內煩且能使水土合為一家以
妙封藏之固若縮砂者以其味辛性溫善能入腎腎之所
惡在燥而潤之者唯辛縮砂通三焦達津液能內五臟六
府之精而歸於腎腎家之氣內腎中之髓自藏矣此有取
於封髓之意也

左金丸

治肝藏火實左脇作痛

黃連

六兩

吳茱萸

一兩湯

右爲末作丸

胡天錫曰此寫肝火之正劑肝之治有數種水衰而木無
以生地黃丸癸乙同源是也土衰而木無以補參苓甘草
散緩肝培土是也木經血虛有火用逍遙散清火血虛無
水用歸脾湯養陰至於補火之法亦下同乎腎而瀉火之
治則上類乎心左金丸獨用黃連爲君從實則瀉子之法

名醫方論 卷四
以直折其上。炎之勢。與榮。莫從類相求。引熱下行。并以辛溫。開其鬱結。懲其扞格。設以爲佐。然必木氣實而土不虛者。庶可相宜。左金者。木從左。而制從金也。

資生丸

治婦人妊娠三月脾虛嘔吐或胎滑不固兼丈夫調中
養胃饑能使飽飽能使饑神妙難述

人參 三兩

雲木 三兩

茯苓 二兩

山藥 三兩

苡薏仁 二兩半

蓮肉 三兩

芡實 二兩半

甘草 二兩

陳皮 三兩

麥蘖 三兩

神麴 三兩

白芷 二兩

桔梗 二兩

藿香 二兩

川黃連 四錢

砂仁 二兩半

扁豆 二兩半

山楂 二兩半

右十七味爲細末煉蜜丸彈子大每服二九米飲下

羅東逸曰此方始於繆仲醇以治妊娠脾虛及滑胎益胎

資始於足少陰。資生於足陽明。故陽明爲胎生之本。一有不足。則元氣不足以養胎。又不足以自養。故當三月正陽明養胎之候。而見嘔逆。又其甚者。或三月。或五月而墮。此皆陽明氣虛不能固耳。古方安胎。類用芎歸。不知此正不免於滑。是方以參朮茯苓蓮茨山藥扁豆苡意之甘平。以補脾元。陳皮麴蘖砂蔻藿桔之香辛。以調胃氣。其有淫熱以黃連清之。燥之既無。參苓白朮散之滯。又無。香砂枳朮丸之燥。能補能運。臻於至和。於以固胎。永無滑墮。丈夫服之。調中養胃。名之資生。信不虛矣。

脾約丸

治腸胃燥熱大便秘結

麻仁二升

杏仁一兩

枳實

厚朴

芍藥各八兩

大黃一兩

右爲末蜜丸白湯下

成無已曰約者約結之約又約束也經曰飲入於胃遊溢精氣上輸於脾脾氣散精上歸於肺通調水道下輸膀胱水精四布五經並行今胃強脾弱約束津液不得四布但輸膀胱小便數而大便鞭故曰脾約麻仁甘平而潤杏仁甘溫而潤經曰脾欲緩急食甘以緩之本草曰潤可去結

是以麻仁爲君杏仁爲臣枳實苦寒厚朴苦溫破結者必
以苦故以爲佐芍藥酸寒大黃苦寒酸苦湯泄爲陰故以
爲使丹溪曰旣云脾約血枯火燔金受邪而津竭必竊脾
之母氣以自救金衰則土受邪脾失轉輸肺失傳化理宜
滋陰降火金行清化脾土健旺津液旣潤何秘之有此方
惟熱甚而稟實者可用熱雖甚而虛者愈致燥涸之苦矣

更衣丸

治津液不足大便不通

硃砂

五錢研如飛麴

蘆薈

七錢研細

滴好酒少許和丸每服一錢二分好酒下

柯韻伯曰胃爲後天之本不及固病太過亦病然大過復有陽盛陰虛之別焉兩陽合明而胃家實仲景製三承氣下之水火不交而津液亡前賢又製更衣丸以潤之古人入廁必更衣故爲此丸立名用藥之義以重墜下達而奏功硃砂色赤屬火體重象金味甘歸土性寒類水爲丹祖承

名醫方論

卷四

十四

母能輪坎以填離生水以濟火是腎家之心藥也。配以蘆
薈。黑色通腎。苦味入心。滋潤之質。可轉濡胃。燥大寒之性。
能下開胃關。此陰中之陰。詢爲腎家主劑矣。合以爲丸。有
水火既濟之理。水土合和之義。兩者相須。得效甚宏。奏功
甚捷。真匪夷所思者。

備急丸

治寒氣冷食、積留胃中、心腹痛、大便不通者。

大黃

乾薑各二兩

巴豆

二兩去皮心
熬研如脂

先搗大黃、乾薑爲末，內巴豆合搗千杵，和蜜丸如豆大，藏密器中，勿泄氣候。用每服三四丸，煖水或酒下。金匱主中惡、心腹脹滿卒痛，如錐刺，氣急口禁，如卒死者，捧頭起，灌令下咽，須臾當差，不差更與三丸，當腹中鳴，卽吐利，便差若口禁者，亦須折齒灌之。

柯韻伯曰：大便不通，當分陽結陰結。陽結有承氣更承之。

劑陰結又製備急之方。金匱用此治中惡當知寒邪卒中者宜之。若用於溫暑熱邪速其死矣。是方允爲陰結者立乾薑散中焦寒邪。巴豆逐腸胃冷積。大黃通地道。又能解巴豆毒。是有制之師也。乃依仲景白散而加峻者歟。白散治寒結在胸。故用桔梗佐巴豆爲吐下兩解法。此寒結腸胃故用大黃佐薑巴以直攻其寒。世徒知有溫補法而不知有溫下之治。所以但講虛寒不議及寒實也。

當歸龍薈丸

治肝經實火大便秘結小便澀滯或胸膈作痛陰囊腫脹凡屬肝經實火皆宜服之

當歸

龍膽草

黃連

黃芩

梔子仁

各二兩

大黃

蘆薈

青黛

各五錢

木香

二錢五分

麝香

五分另研

右為末炒神麴糊丸每服二十九丸薑湯下

柯韻伯曰肝為相火有瀉無補青黛稟東方之色入通於肝大寒之性所以瀉其實火也夫東實西虛必瀉南補北而金氣始行故用梔子之赤色通心者率膽草芩連以瀉

火而除胸膈之痛。佐以蘆薈之黑色通腎者。以補水而利小便。以除陰囊之腫。凡木氣鬱者。必尅土。此肝火亢則反能燥脾而實胃。故用神麴疎脾。大黃調胃。以通大便之秘結也。肝火旺則血虛。故君當歸。氣有餘便是火。故佐二香。丹溪云。宜降氣不宜降火。蓋爲虛火言。此火實尅金熱傷元氣。治節不行。允宜瀉火。從苓連之例矣。夫氣藥燥熱。若不於大寒劑中用之。皆倒戈之輩。故必火降而氣始降。亦必氣降而火不復升。是知降氣降火。又兩相須也。

四生丸

治陽盛陰虛血熱妄行或吐或衄者

生地黃

生栢葉

生荷葉

生艾葉等分

右四味搗爛爲丸如雞子大每服一九滾湯化服

柯韻伯曰心腎不交則五臟齊損陰虛而陽無所附則大
炎上焦陽盛則陽絡傷故血上溢於口鼻也凡草木之性
生者涼而熟之則溫熟者補而生者瀉四味皆清寒之品
盡取其生者而搗爛爲丸所以全其水氣不經火煮更以
遠於火令矣生地多膏清心腎而通血脈之源栢葉西指

清肺金而調營衛之氣。艾葉芳香入脾胃而和生血之司。
荷葉法震入肝家而和藏血之室。五藏安堵則水火不相
射。陰平陽秘而血歸經矣。是方也可暫用以遏妄行之熱。
血如多用則傷營。蓋血得寒則瘀。血不散而新血不生也。
設但知清火涼血而不用歸脾養榮等劑以善其後。鮮有
不綿連歲月而斃者。非立法之不善。妄用者之過耳。

石斛夜光丸

治神水寬大漸散昏如霧露空中有黑花及覩物成二
神水淡綠淡白色者

天門冬

焙

人參

茯苓

各二兩

麥冬

熟地

生地

各二兩

枸杞子

兔絲子

甘菊花

石斛

乾山藥

杏仁

各七錢

肉蓯蓉

蒺藜

川芎

甘草

炙

黃連

防風

青箱子

枳殼

羚羊角

鎊

烏犀

鎊各五錢

牛膝

七錢五分

草決明

八錢

爲細末、煉蜜丸桐子大每服三五十丸溫酒鹽湯下

名醫方論

卷四

羅東逸曰此方爲陽衰陰弱不能升精於目而設故自科
與千金磁硃丸並重治證亦同然磁硃爲鎮墜藥此爲美
補藥。鍼經曰五藏六府精氣皆上於目而爲之精。故夫目
之精明者陰陽合傳而爲精明者也。若腎肝虛則陰弱不
能斂精以升養神水於內脾肺虛則陽衰不能攝陰而浮
散神光於外以致神水寬大覩物成二此其治法其管在
肝其主在腎其合在脾能合腎脾之陰而使肝達之則必
能歸精於兩眸而繼明如晝夜矣是方先補腎肝以二冬
二地。兔絲。枸杞。五味。牛膝。從容。羣隊。滋陰之品以之。滋陰。

填精、欽氣、安神、養血。此、此、水之主。亦所以生木也。復以人參、炙草、茯苓、山藥、培補中宮、使調合陰陽也。佐之以燕、燕、甘菊、川芎、枳殼、防風、行、川、達氣、青、青、精、決、明、子、解、結、散、滯、黃、連、烏、犀、羚、角、清、火、泄、熱、然、必、取、石、斛、之、妙、合、脾、腎、者、清、而、行、之、要、使、升、精、歸、明、之、用、藏、府、合、德、專、精、致、一、耳、其、以、爲、丸、者、補、上、治、下、利、以、緩、利、以、久、不、利、以、速、也。

礞石滾痰丸

治實熱老痰之峻劑，虛寒者不宜。

黃芩

大黃

酒蒸各八兩

沉香

五錢

礞石

有火者不宜用

右四味為細末，水九川椒大量，人大小用之，用溫水一口送過咽，即便仰臥，令藥徐徐而下半日不可飲食，勿起身行動，言語待藥氣自胃口潮下二腸，然後動作飲食，服後喉間稠粘壅塞不行者，乃藥力相攻，故痰氣反上也，少頃藥力到，自然寧貼，服之得法，効如響應。

駁得是
此前人
之深澤
後學不
知而信
之不加
察者也

柯韻伯曰脾爲生痰之原肺爲貯痰之器此無稽之談也夫脾爲胃行其津液以灌四旁而水精又上輸於肺焉得凝結而爲痰惟腎爲胃關關門不利故水聚而泛爲痰也則當日腎爲生痰之原經云受穀者濁受氣者清清陽走五藏濁陰歸六府肺爲手太陰獨受諸氣之清而不受有形之濁則何可貯痰惟胃爲水穀之海萬物所歸猶失轉味之職則溼熱凝結爲痰依附胃中而不降當日胃爲貯痰之器斯義也惟王隱君知之故製老痰之方不涉脾肺而責之胃腎二黃礞石稟中央之黃色入通中宮者也黃

苓能清理胃中無形之氣。大黃能滌蕩胃中有形之質。然痰之爲質。雖滑而粘。善棲泊於腸胃曲折之處。而爲巢穴。不肯順流而下。仍得緣涯而升。故稱老痰。二黃以滋潤之。品祇能直行而泄。欲使委曲而導之。非其所長也。故選金石以佐之。礞石之燥。可以除其溼之本。而其性之悍。可以迅掃其曲折依伏之處。使穢濁不得臞滯。而少畱此滾痰之所由名乎。又慮夫關門不開。仍得爲老痰之窠。曰沉香。稟北方之色。能內氣歸腎。又能疏通腸胃之滯。腎氣流通。則水垢不畱。而痰不再作。且使礞石不粘著於腸。二黃不

傷及於胃一舉而三善備所以功效若神也

指迷茯苓丸

治中焦停痰伏飲

半夏製兩

茯苓二兩

風化硝二錢半

枳殼五錢

右四味薑汁糊爲丸

柯韻伯曰痰飲之本皆水也。水入於胃，游溢精氣，上輸於脾。此自陽入陰也。脾氣散精，上歸於肺。此地氣上升也。通調水道，下輸膀胱，是天氣下降也。水精四布，五經並行，是水入於經，而血乃成也。若陰陽不和，清濁相干，胃氣亂於中，脾氣艱於升，肺氣滯於降，而痰飲隨作矣。痰與飲同源。

痰飲之
別清出

而有陰陽之別。陽盛陰
水氣溢而為飲。除痰者
治其本也。滌飲者降氣
本也。此方欲兼兩者而
軟堅。枳殼利氣。別於二
胃之劑耳。

虛則水氣凝而為痰。陰盛陽虛則
降氣清火是治其標。補陰利水是
燥濕是治其標。溫腎利水是治其
台治之。半夏燥濕。茯苓滲濕。風硝
陳之甘緩。遠於礞石之峻悍。亦平

大黃黃蠟丸

治五勞七傷內有乾血肌膚甲錯兩目黯黑

大黃土兩酒蒸

黃芩二兩炒

甘草三兩

桃仁去皮炒

杏仁去皮炒

芍藥各四兩炒

地黃二兩

乾漆二兩炒

蠱蟲一兩五錢去足炒

水蛭百枚去足炒

蟬蛻二兩五錢炒

麝香一兩去頭足炒

右十二味為末蜜丸如小豆大酒服五丸日三服

李士材曰勞傷之症未有無瘀血者也。閑之日久則發為熱。熱涸其液則乾粘於經絡之間。愈乾愈熱愈熱愈乾而新血皆損人之克養百骸光華潤澤者止藉此血。血傷則

無以沃其膚故甲錯也。目得血而能視。榮氣不貫於空竅。故黑黯也。仲景洞見此症。補之不可。涼之無益。而立北方。經曰。血主濡之。故以地黃爲君。堅者削之。故以大黃爲臣。統血者脾也。脾欲緩。急食甘以緩之。又酸苦湧泄爲陰。故以甘芍桃杏爲佐。鹹走血。苦勝血。故以乾漆之苦。四蟲之鹹。爲使。吳氏曰。濁陰不降。則清陽不升。瘀血不去。則新血不生。今人遇一勞症。便用滋陰。服而不效。坐以待斃。術豈止此耶。

烏梅丸

治厥陰病消渴氣上撞心心中疼熱饑而不欲食食即吐就又主久利

烏梅

三百枚

黃連

二觔

細辛

附子

炮

人參

桂枝

黃柏

各六兩

乾薑

十兩

當歸

蜀椒

各四兩

右十味異搗篩合治之以苦酒漬烏梅一宿去核蒸之五升米下飯熟搗成泥和藥令相得內臼中與蜜杵二千下丸如桐子大先食飲服十九丸日三服稍加至一二十九丸禁生冷滑物臭食

治厥陰
大法

氣厥陰
五明斯

柯韻伯曰六經惟厥陰爲難治其本陰其標熱其體木其
用火必伏其所主而先其所因或收或散或逆或從隨所
利而行之調其中氣使之和平是治厥陰法也厥陰當兩
陰交盡又名陰之絕陽宜無熱矣第其具合晦朔之理陰
之初盡卽陽之初生所以一陽爲紀一陰爲獨使則厥陰
病熱是少陽使然也火王則水虧故消渴氣上撞心心中
疼熱氣有餘便是火也木盛則尅土故饑不欲食蟲爲風
化饑則胃中空虛虵聞食臭出故吐虵仲景立方皆以辛
甘苦味爲君不用酸收之品而此用之者以厥陰主肝木

耳洪範曰木曰曲直作酸內經曰木生酸酸入肝君烏梅
之大酸是伏其所主也配黃連瀉心而除疼佐黃栢滋腎
以除渴先其所因也腎者肝之母椒附以溫腎則火有所
歸而肝得所養是固其本肝欲散細辛乾薑辛以散之肝
藏血桂枝當歸引血歸經也寒熱雜用則氣味不和佐以
人參調其中氣以苦酒漬烏梅同氣相求蒸之末下資其
穀氣加蜜爲丸少與而漸加之緩則治其本也虵昆蟲也
生冷之物與溫熱之氣相成故藥亦寒熱互用且胸中煩
而吐虵則連栢是寒因熱用也虵得酸則靜得辛則伏得

名醫方論

卷四

三十五

苦則下。信爲化。蟲佳劑。久利則虛。調其寒熱。酸以收之。下利自止。

平胃散

治溼淫於內脾胃不能剋制有積飲痞膈中滿者

蒼朮

五觔法浸七日

陳皮

去白

厚朴

各三觔薑汁炙

甘草

三十兩炙

右爲末每服三錢薑湯下日三服又水煎每服七錢

柯韻伯曰內經以土運太過曰敦阜其病腹滿不及曰卑監其病留滿痞塞張仲景製三承氣湯調胃土之敦阜李東垣製平胃散平胃土之卑監也培其卑者而使之平非削平之謂猶溫膽湯用涼劑而使之溫非用溫之謂後之註本草者曰敦阜之土宜蒼朮以平之卑監之土宜白朮

以培之。若以溼土爲敦阜。將以燥土爲卑監耶。不審敦阜卑監之義。因不知平胃之理矣。二朮苦甘。皆燥溼健脾之用。脾燥則不滯。所以能健運而得其平。第二朮白者柔而緩。蒼者猛而悍。此取其長於發汗。迅於除溼。故以蒼朮爲君耳。不得以白補赤瀉之說爲二朮拘也。厚朴色赤苦溫。能助少火以生氣。故以爲佐。溼因於氣之不行。氣行則愈。故更以陳皮佐之。甘先入脾。脾得補而健運。故以炙甘草爲使。名曰平胃。實調脾承氣之劑。與夫潔古取金匱之枳朮湯以爲丸。枳實之峻。重於厚朴。且無甘草以和之。雖倍

曰○木○而○消○伐○過○於○此○方○脉○者○以○木○爲○補○爲○當○久○服○不○思○枳○
實○爲○峻○而○不○宜○多○特○未○之○思○耳○

瓜蒂散

邪結胸中，胸中痞軟，寸脈微浮，氣上沖咽喉，不得息，或心下滿而煩，饑不能食，手足厥冷，脈乍緊者，或飲食入口即吐，心中溫溫欲吐，復不能吐，始得之，手足寒，脈弦遲者，皆宜用此吐之，亡血者不可與也。

瓜蒂

赤小豆

熬黃各一分

右二味別搗爲散，取一錢匕，香豉一合，用熱湯七合煮作稀糜，去滓取汁，和散溫頓服之，不吐者少少加，得快吐乃止。

柯韻伯曰胸中者清虛之府寒邪凝結內熱不得外達以至痞軟其氣上冲心下煩心中溫者熱鬱也脈微浮或弦遲或乍緊手足寒飲食入口即吐者寒束也咽喉不得息心下滿饑不能食欲吐不能吐者寒格而熱不得越也肺氣不得降胃陽不得升諒非汗下之法所能治必得酸苦湧泄之方因而越之上焦得通中氣得達肺家之治節行胸中之陽氣復痞鞭可得而消凡瓜蒂色青象東方甲木之化得春升生發之機能提胃中陽氣除胸中實邪爲吐劑中第一品然必得穀氣以和之赤豆形色象心甘酸以

保心氣。香豉形色象腎。性本沉重。微熱而使輕浮。能使腎家之清氣交於心胸。中之濁氣出於口。作爲稀糜調服。二散雖快吐而不傷神。奏功之捷。勝於汗下。此所以三法鼎立耳。今人不知岐伯仲景之精義。置之不用。汗之下之。變證蜂起。可勝悼哉。

天水散

一名益元散
一名六一散

治夏時中暑熱傷元氣內外俱熱無氣以動煩渴欲飲
嘔胃枯涸者又能催生下乳積聚水畜裏急後重暴注
下迫者宜之

桂府滑石

六兩水飛

甘草

二兩

辰砂

三錢

右爲細末新汲水一碗調服三錢

柯韻伯曰元氣虛而不支者死邪氣盛而無制者亦死今
熱傷元氣無氣以動斯時用參以補氣則邪愈甚用苓
連以清熱則氣更傷惟善攻熱者不使喪人元氣善補虛

後石
精義入

者不使助入邪氣必得氣味純粹之品以土之滑石稟土
中中和之氣行西方清肅之令秉秋金堅重之形寒能勝
熱甘不傷脾含天乙之精而具流走之性異於石膏之凝
滯能上清水原下通水道滲滌六府之邪熱從小便而泄
矣甘草稟草中沖和之性調和內外止渴生津用以爲佐
保元氣而瀉虛火則五臟自和矣然心爲五臟土暑熱擾
中神明不安必得朱砂以鎮之
滋之則邪熱可以急除此補心
利初起裏急後重者宜之以滑
去著也催生下乳積聚

商水等症同乎此義故兼治之是方也益氣而不助邪逐邪而不傷氣不負益元之名矣宜與白虎生脉三方鼎足可也

阿膠散

治肺虛有火嗽無津液咳而哽氣者

真阿膠

兩半

牛蒡子

二錢半炒

馬兜鈴

五錢焙

炙甘草

五錢

杏仁

七錢

糯米

一合

每服兩許水煎服

程郊倩曰痰帶紅線嗽有血點日漸成痿緣肺處臟之最高葉間布有細竅氣從此出入呼吸成液灌溉周身所謂水出高源也一受火炎吸時徒引火升呼時并無滾山久則肺竅俱閉喉間或癢或澹六葉遂日焦枯矣今用阿膠

爲君者消竅瘀也用杏仁大力子者宣竅道也用馬兜鈴者清竅熱也糯米以補脾母氣到則肺自輕清無礙矣

玉屏風散

治風邪久留而不散者自汗不止者亦宜

防風

黃芪

白朮

等分

右爲細末酒調服

柯韻伯曰邪之所湊其氣必虛故治風者不患無以驅之而患無以禦之不畏風之不去而畏風之復來何則發散太過玄府不閉故也昧者不知托裏固表之法徧試風藥以驅之去者自去來者自來邪氣留連終無解期矣防風徧行周身稱治風之仙藥上清頭面七竅內除骨節疼痛痺外解四肢攣急爲風藥中之潤劑治風獨取此味任重功

專矣。然衛氣者，所以溫分肉而充皮膚，肥腠理而司開闔。
惟黃芪能補三焦而實衛，爲玄府禦風之關鍵。且有汗能
發，無汗能止，功同桂枝，故又能除頭目風熱，大風癩疾，腸
風下血，婦人子臟風。是補劑中之風藥也。所以防風得防
芪，其功愈大耳。白朮健脾胃，溫分肉，培土卽以寧風也。夫
以防風之善驅風，得黃芪以固表，則外有所衛，得白朮以
固裏，則內有所據。風邪去而不復來，此欲散風邪者當倚
如屏，珍如玉也。其自汗不止者，亦以微邪在表，皮毛肌肉
之不固耳。其與防風通聖等方懸殊矣。

五淋散

治膀胱有熱水道不通淋瀝不出或尿如豆汁或成砂石或如膏汁或熱拂便血

赤茯苓

一錢五分

赤芍藥

山梔仁

各一錢

當歸

細甘草

各一錢二分

右五味加燈心水煎服

柯韻伯曰經曰腎合膀胱故腎為水藏而膀胱為水府腎主癸水受五藏六府之精而藏之膀胱主壬水受五藏六府之津而藏之故膀胱者州都之官津液藏焉然又曰氣

化則能出者何也。膀胱有上口而無下口。能納而不能出。唯氣爲水母。必太陽之氣化而膀胱之溺始出。是水道固藉無形之氣化不專責有形之州都矣。然水者陰也。氣者陽也。氣爲陽之根源。而火爲陽之徵兆。所以氣有餘便成壯火。而爲邪熱。壯火上行三焦則傷太陽之氣。邪熱下入膀胱則涸州都之津火。勝則水虧理固然也。夫五藏之水皆生於氣。故少火生氣。而氣卽爲水。水精四布。下輸膀胱。源清則流潔矣。如壯火食氣則化源無藉。乃癰閉淋瀝。膏淋豆汁。砂石膿血。而水道爲之不利矣。總由化源之不。

清○非○開○決○瀆○之○失○職○若○以○八○正○舟○車○禹○功○濬○川○等○劑○澤○之○
五○藏○之○陰○虛○太○陽○之○氣○化○絕○矣○故○急○用○梔○苓○治○心○肺○以○通○
上○焦○之○氣○而○五○志○火○清○歸○芍○滋○腎○肝○以○安○下○焦○之○氣○而○五○
藏○陰○復○甘○草○調○中○焦○之○氣○而○陰○陽○分○清○則○太○陽○之○氣○自○化○
而○膀○胱○水○潔○矣○此○治○本○之○計○法○之○盡○善○者○也○

失笑散

治產後心腹絞痛欲死或血迷心竅不省人事

五靈脂

蒲黃等分

每服三錢酒煎服

獨聖散

山查肉二兩

水煎用童便沙糖和服

吳于宣曰經云心主血脾統血肝藏血故產後瘀血停滯三經皆受其病以致心腹疼痛惡寒發熱神迷眩暈連胸膈滿悶凡茲者由寒凝不散氣滯不流行惡露停畱小腹結痛迷悶欲絕非純用甘溫破血行血之劑不能攻逐滯

平也是方用靈脂之甘溫走肝生用則行血蒲黃甘平入肝生用則破血佐酒煎以行其力庶可直抉厥陰之滯而有其推陳致新之功甘不傷脾辛能逐瘀不覺諸證悉除直可以一笑而置之矣至獨聖散用山查一味濃煎與沙糖童便同服者何也山查不惟消食健脾性破瘀積癥癖可立止兒枕作疼更益以沙糖味甘入脾能逐惡煖中而不傷脾童便涼下而不傷氣以佐山查則脾氣得宣山查之功用益力其効益偉名之曰獨聖不虛也

清胃散

治胃經溼熱牙齒牙根腫痛或牽引頭腦或面發熱

生地黃

當歸

川黃連

升麻

牡丹皮

水煎服

羅東逸曰陽明胃多氣多血又兩陽合明爲熱盛是以邪入而爲病常實若大渴舌胎煩躁此傷氣分熱多火腑燥其津液白虎湯主之若醇飲肥厚炙博過用以致熱壅大府逆於經絡溼熱不宜此傷血分治宜清胃方中以生地涼血爲君行之牡丹皮去蒸而疏其滯以黃連微熱燥溼

爲臣和之以當歸辛散而循其經仍用升麻之辛涼升舉以騰本經之清氣卽所謂升清降濁火鬱發之者也如是而喉咽不清齒齦腫痛等症廓然俱清矣

龜鹿二僊膠

大補精髓益氣養神

鹿角

血老
十斤

龜板

自敗者
五斤

枸杞子

甘州者
二十兩

人參

十五兩

右用鉛鐔如法熬膠初服酒化一錢五分漸加至三錢空心下

李士材曰人有三奇精氣神生生之本也精傷無以生氣傷無以生神精不足者補之以味鹿得天地之陽氣最善通督脉足於精者故能多淫而壽龜得天地之陰氣最厚善通任脉足於氣者故能伏息而壽二物氣血之屬

又得造化之玄微異類有情竹破竹補之法也。人參爲陽補氣中之怯。枸杞爲陰清神中之火。是方也。一陰一陽無偏勝之憂。入氣入血有和平之美。由是精生而氣旺。氣旺而神昌。庶幾龜鹿之年矣。故曰二仙。

瓊玉膏

治虛勞乾咳

生地黃

四兩

白茯苓

三兩

白蜜

二兩

人參

六兩

右以地黃汁同蜜熬沸，用絹濾過，將參茯苓細末入前汁和勻，以磁瓶用綿紙十數層加箬封瓶口，入砂鍋內，以長流水煮，沒瓶頸，桑柴火煮三晝夜，取出換紙札口，以蠟封固，懸井中一日，取起，仍煮半日，白湯點服。

李士材曰：乾咳者，有聲無痰，火來乘金，金極而鳴也。此本

元之病非悠遊漸漬難責成功。若悞用苦寒祇傷脾土。金反無母。故丹溪以地黃爲君。令水盛則火自息。又損其肺者。蓋其氣故用人參以鼓生發之。元虛則補其母。故用茯苓以培萬物之本。白蜜爲百花之精。味甘歸脾。性潤悅肺。且緩燥急之火。四者皆溫良和厚之品。誠堪寶重。郭棧曰起吾沉瘳。珍寶瓊瑤。故有瓊玉之名。

附補方藥雜論十七條

張景岳曰，潔古枳朮丸以白朮爲君，脾得燥而能健，佐以枳實，其味苦峻，有推牆倒壁之功。此商攻於守之劑，唯脾氣不清而滯勝者宜之。若脾氣已虛，非所宜也。今以爲補脾之藥，及小兒瘦弱，製令常服，適足傷其氣，助其瘦耳。東垣平胃散欲治其不平也，本爲胃強和實者設，故性味從辛燥從苦而能消散，唯有滯有溼有積者宜之。若以爲健脾而常服，其悞甚矣。

補中益氣一湯，允爲東垣獨得之心法。本方以升柴助升，

氣以參朮歸芪助陽氣此意誠盡善矣然補陽之義亦有
宜否如治勞倦內傷發熱爲助陽也非發汗也然有不散
而散之意故於勞倦感寒或陽虛痰癰及脾氣下陷等症
最宜若全無表邪寒熱而中氣虧甚者則升柴大非所宜
蓋升柴之味兼苦寒升柴之性兼疎散唯有邪者可因升
而散之若無邪大虛者卽純用培補猶恐不及再兼疎散
安望成功凡補陽之劑無不能升正以陽主升也寇宗奭
極言五勞七傷大忌柴胡而李時珍以爲不然要之能散
者斷不能聚能泄者斷不能補性味苦寒者斷非扶陽之

物。故表不同而汗不斂者不可用。外無表邪而陰虛發熱者不可用。陽氣無根而格陽戴陽者不可用。脾肺虛甚而氣促似喘者不可用。命門火衰而虛寒泄瀉者不可用。水虧火亢而衄血吐血者不可用。四肢厥而陽虛欲脫者不可用。總之元氣虛極者不可泄。陰陽下竭者不可升。人但知補中益氣可以補虛。不知幾微關係。判於舉指之間。纖微不可紊悞者。正此類也。

神麴麥芽雖助戊土以腐熟水穀。然麥芽一味治婦人喪子乳房脹痛欲成癰者。用十二兩炒熟煎服。即消其破血。

散氣可知矣。又婦人良方云：神麴善下胎，皆剋伐之功，多而補益少，不宜輕用。

喻嘉言曰：連芩柴芎，知母皆苦寒之劑，能瀉有餘之火耳。若飲食勞倦，內傷元氣，爲陽虛之病，以甘溫之劑除之。如黃芪、人參、甘草之屬。若陰微陽強，相火熾盛，以乘陰位，日漸煎熬，爲血虛之病，以甘平之劑降之。如當歸、地黃之屬。若心火亢極，鬱熱內實，爲陽強之病，以鹹冷之劑折之。如大黃、朴硝之屬。若腎水受傷，真陰失守，無根之火，爲陰虛之病，以壯水之劑濟之。如生地、玄參之屬。若命門火衰，爲

陽○脫○之○病○以○溫○熱○之○劑○固○之○如○附○子○乾○薑○之○屬○若○胃○虛○過○
食○冷○物○抑○遏○陽○氣○於○脾○土○爲○火○鬱○之○病○以○升○陽○之○劑○發○之○
如○升○麻○葛○根○之○屬○不○明○治○法○以○求○施○治○何○所○據○依○耶○

今○人○見○煩○熱○枯○燥○等○症○不○敢○用○附○子○者○惡○其○以○熱○助○熱○也○
孰○知○不○藏○精○之○人○腎○中○陽○氣○不○鼓○精○液○不○得○上○升○故○枯○燥○
外○見○必○於○補○陰○劑○中○用○附○子○助○陽○則○陰○氣○上○交○於○陽○位○如○
釜○底○加○薪○則○釜○中○氣○水○上○騰○而○潤○澤○有○立○至○者○

黑○鉛○一○味○乃○水○之○精○入○北○方○壬○癸○凡○遇○陰○火○逆○冲○真○陽○暴○
脫○氣○喘○痰○鳴○之○急○症○同○桂○附○回○陽○等○藥○用○之○立○見○奇○功○卽○

經云重劑是也。

虞天民曰。血不歸原。責之胃。寒涼屢用不効。唯炙甘草炮薑。引血歸元妙。

失血後。大熱大渴。症似白虎。惟脈虛。大不長實。爲異。誤服寒涼必死。當歸補血湯主之。

趙羽皇曰。參者。參也。與元氣爲參贊者也。不特氣虛宜用。卽血虛亦宜用。內傷宜用。外感亦宜用。蓋煩渴由于火邪。得人參而陰津自長。腫脹本乎氣壅。得人參而痞悶全消。以至食不欲入。食入反脹。或胃反噎膈。泄利亡陰。瀝浙至。

寒○多○汗○漏○風○等○症○無○不○賴○人○參○之○大○力○作○元○氣○之○藩○籬○而○
妄○謂○肺○熱○傷○肺○參○能○作○飽○不○知○肺○金○之○冤○熱○非○參○莫○救○脾○
虛○之○中○滿○非○參○與○木○何○由○健○運○此○所○以○功○魁○羣○草○也○附○子○
一○味○有○斬○關○奪○門○之○勇○引○補○氣○藥○行○十二○經○以○追○散○失○之○
元○陽○引○補○血○藥○入○血○分○蒸○動○不○足○之○真○陰○引○發○散○藥○開○腠○
理○以○驅○在○表○之○風○寒○引○溫○藥○達○下○焦○以○逐○在○裏○之○冷○滯○其○
用○亦○弘○矣○正○治○人○所○易○曉○其○晁○妙○能○以○熱○攻○熱○如○胃○陽○發○
露○口○爛○舌○糜○腎○陽○發○露○面○赤○吐○紅○用○之○頃○刻○神○清○熱○退○唯○
其○能○返○本○回○陽○也○世○人○豈○識○之○哉○

柯韻伯曰仲景備十劑之法輕可散實麻黃葛根諸湯是也。宜可決壅。栝蒌瓜蒂之方是也。通可去滯五苓十棗之屬是也。泄可去閉陷胸承氣抵當是也。滑可去著膽導蜜煎是也。瀉可固脫赤石脂桃花湯是也。補可扶弱附子湯理中丸是也。重可鎮怯禹餘糧代赭石湯是也。瀝可潤燥黃連阿膠湯是也。燥可去淫麻黃連翹赤小豆湯是也。寒能勝熱白虎湯黃連瀉心湯是也。熱可制寒白通四逆諸方是也。

看仲景加減法當細審其深意如腹中痛者少陽加芍藥。

少陰加附子太陰加人參若心下悸者少陰加桂枝少陽
加茯苓若渴者少陽加括蕒根人參太陰加白朮仲景於
加減中分陰陽表裏如此故熟仲景方始知仲景立方之
妙理會仲景法纔知仲景用藥取舍之精

仲景立方精而不雜其中以六方為主諸方皆從而加減
焉凡汗劑皆本桂枝吐劑皆本旋覆攻劑皆本承氣和劑
皆本柴胡寒劑皆本瀉心溫劑皆本四逆渾而數之爲一
百一十三方者未之審耳

小柴胡方爲半表而設而其證皆屬於裏蓋表證旣去其

半則病機偏於向裏矣。惟往來寒熱一證尚爲表邪未去。故獨以柴胡一物主之。其他悉用裏藥。凡裏證多陰多寒多虛而少陽之裏偏於陽偏於熱有虛有實而不盡屬於虛也。然仲景又深以裏虛爲患。故於半表未解時使用人參以固裏。

桂枝本爲太陽風寒設。可以散六經初感之邪。柴胡本爲少陽半表設。更可以調三陽半表之證。蓋桂枝湯是調和營衛之劑。柴胡湯是調和腠理之劑。凡風寒襲人不在營衛卽入腠理。所以仲景一書最重二方。

脾爲至陰。居中宮而撫四肢。最畏寒邪。爲患故仲景製理中四逆二方。理中者。理中焦爲腹痛吐利而設。若手足逆冷。下利清穀。是太陰本病。觀四逆證上不稱厥陰。少陰有此證者。必見面赤。故以通脈加之。則四逆本爲太陰立可知也。然他經有此陰寒者。可通用之。用於太陰本經是固本以逐邪也。用於少陰。溫土以制水也。用於厥陰。和水土以生木也。用於太陽。益火以扶元陽也。惟陽明胃貴少陽相火非所宜耳。

腎主五液。入心爲汗。少陰受病。液不上升。所以陰不得有

汗。仲景治少陰之表於麻黃細辛中加附子。是升腎液也。若少陰無主。水火不和。真陰爲邪所逼。則水隨火越。故反汗出。仲景治少陰之裏。附子湯中任人參。是補腎液也。

參蘇飲 局方

治感冒風寒咳嗽吐痰涕唾稠粘胸膈滿悶寒熱往來或頭痛惡寒脉弱無汗

人參 蘇葉 乾葛 前胡 陳皮 枳殼 茯苓

半夏 各五分 桔梗 木香 甘草 各五分 生薑 五片 大棗 枚

右水煎熱服取汗

葉仲堅曰此少陽中風而寒濕內着之證也仲景於表劑不用人參惟少陽寒熱往來雖有口苦咽乾目眩之相火亦用人參以固中氣此咳嗽聲重痰涎稠粘涕唾交流五

液無主寒溼稽留於胸膈中氣不固可知矣故以人參爲君然非風寒之外邪來侮則寒熱不發而痰涎不遽生故輔以紫蘇乾葛凡正氣虛者邪氣必盛故胸膈滿悶輔以陳皮枳殼少佐木香以降之痰涎壅盛於心下非辛燥不除故用茯苓半夏少佐桔梗以開之病高者宜下故不取柴胡之升而任前胡之降欲解表者必調和榮衛欲清內者必顧及中宮此薑棗甘草之所必須也名之曰飲見少與緩服之義本方去人參前胡加川芎柴胡卽芎蘇散則治頭痛發熱惡寒無汗之表劑矣

香薷飲 局方

治暑月乘涼飲冷陽氣爲陰邪所遏頭痛發熱惡寒煩躁口渴腹瀉吐瀉者

香薷

厚朴

白扁豆

炒

水煎浸冷服

葉仲堅曰飲與湯稍有別服有定數者名湯時時不拘者名飲飲因渴而設用之於溫暑則最宜者也然胃惡燥脾惡溼多飲傷脾反致下利治之之法心下水氣者發汗腹中有水氣者利小便然與其有水患而治之曷若先選

其能汗能利者用之乎香薷芳香辛溫能發越陽氣有微
上徹下之功故治暑者君之以解表利小便佐厚朴以除
溼扁豆和中合而爲飲飲入於胃熱去而溼不留內外之
暑證悉除矣若心煩口渴者去扁豆加黃連名黃連香薷
飲加茯苓甘草名五物加木加參芪橘木名十味隨證加
減盡香薷之用也然勞倦內傷必用清暑益氣內熱大渴
必用人參白虎若用香薷是重虛其表而反濟以內熱矣
香薷乃夏月解表之藥如冬月之麻黃氣虛者尤不可服
今人不知暑傷元氣槩用以代茶是開門揖盜也

細終